



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Episcopo Havelbergensi, & de Sichem & de Lapide sancti Michaëlis
Cisterciensis ordinis Abbatibus Alberstatensis diocesis.

urn:nbn:de:hbz:466:1-20020

rum, consecrationibus Episcoporum, ordinationibus Clericorum, Ecclesie tuae principalibus festiuitatibus, solemnitate beati Demetrii, & consecrationis anniversario tuae die. Ad haec ipsi Thessalonicensi metropoli suam confirmamus provinciam; in qua subscriptos episcopatus specialibus nominibus duximus exprimendos, videlicet Citrensem, Beriensem, Campanensem, Vardariensem, Serviensem, Petrensem, Platomonensem, Langardensem, Adramenensem, Nerisensem, & Cassandriensem. Iura quoque ac bona eius, dignitates & libertates ipsius, necnon antiquas & rationabiles consuetudines auctoritate apostolica roboramus, & tam tibi quam eidem Ecclesiae firma & illibata manere sancimus. Cimiteria quoque earumque beneficia nullus hereditario iure possideat. Quod si quis hoc facere contenderit, censura canonica compescatur. Prohibemus autem ne Presbyteri Capellani Ecclesiarum ad jus Ecclesie tuae pertinentium possessiones earum absque assensu tuo, salvis tamen canonicis institutionibus, distrahere, vendere, vel obligare, seu alio quolibet modo alienare praesumant. Quod si factum fuerit, irritum habeatur. Prohibemus insuper ne interdictos vel excommunicatos tuos ad officium vel communionem ecclesiasticam sine conscientia & consensu tuo quisquam admittat, aut contra sententiam tuam canonicè promulgatam aliquis venire praesumat, nisi fortè periculum mortis imminet, aut dum praesentiam tuam habere nequiverit, per alium secundum formam Ecclesiae satisfactione praemissa oporteat ligatum absolvi. Porro dominicae crucis vexillum per tuam dioecesim & episcopatus tibi subditos ante te deferendi fraternitati tuae licentiam impertimur. Decernimus ergo ut nulli omnino hominum liceat praefatum Thessalonicensem Ecclesiam temerè perturbare &c. usque usibus omnimodis profutura, salva sedis apostolicae auctoritate. Siqua igitur in futurum &c. usque districtae ultioni subiaceat. Cunctis autem eidem loco &c. usque praemia aeternae pacis inveniant. Amen. Datum Laterani per manum Iohannis sanctae Mariae in Cosmidin Diaconi Cardinalis S. R. E. Cancellarii v. i. Idus Aprilis, Indictione xv. incarnationis dominicae anno MCCXII. pontificatus vero Domini Innocentij Papae III. anno decimo quinto.



*EPISCOPO HAVELBERGENSI,
& de Schem & de Lapide sancti Michaelis Cisterciensis ordinis Abbatibus Alberstatensis diocesis.*

Veniens ad praesentiam nostram dilectus filius W. imperialis aulae Protonotarius sua nobis insinuatione monstravit quod cum amuli sui, occasione accepta ex eo quod idem ex negligentia potius quam malitia in cerei benedictione commisit, multis suggestis nequiter contra eum, ad venerabilem fratrem nostrum Brandeburgensem Episcopum & dilectos filios Praepositum de Mildens & H. Canonicum sancti Petri Magdeburgensis nostras litteras impetrassent, iidem sancti Nicolai Magdeburgensis ipsum destituere praebenda, & per unius momenti spatium ipsi rescripti apostolici copiam denegantes, postquam fuerunt officio suo functi, cuidam ipsam assignando praebendam, iterum aliquot diebus elapsis eandem cuidam alij contulerunt in eius praedicti & gravamen. Quocirca discretioni vestrae per apostolica scripta mandamus quatinus si eum invenitis praefata praebenda praeter formam mandati apostolici destitutum vel alias contra iustitiam spoliatum, ipsum sublato appellationis obitaculo restitui faciatis; contradictores, si qui fuerint, per censuram ecclesiasticam compescentes, de praedicta negligentia vel contemptu poenam ei debitam infligendo. Nos enim ipsum fecimus ad cautelam a vinculo excommunicationis absolvi, & ad vos remittimus absolutum; praesertim cum, sicut idem asseruit, praefati iudices excommunicatum denuntiarent eundem postquam per venerabilem fratrem nostrum Magdeburgensem Archiepiscopum apostolicae sedis Legatum fuit iuxta formam Ecclesiae ab eodem vinculo absolutus. Testes autem &c. usque per censuram eandem appellatione cessante cogatis veritati testimonium perhibere. Quod si non omnes &c. tu ea, frater Episcopo, cum eorum altero ea &c. Datum Laterani v. i. Idus Aprilis, pontificatus nostri anno decimo quinto.

*Epist. 19.
De restitutione
ne praebendae.*

*MAGYNTINENSI ET
Magdeburgensi Archiepiscopis apostolicae
sedis Legatis.*

Vt inter devotos & indevotos, obediens & inobedientes discretio habeatur, oportet quod agatur severe cum illis, & adhibeatur benignitas circa istos. Cum igitur quidam in imperiali aula offi-

*Epist. 26.
De conservandis
beneficiis
eorum qui ab
Ottone recedunt.*